

晉

書

料

注

晉書斟注卷六

錢塘吳士鑑

同注

烏程劉承幹

帝紀第六

元帝

元皇帝諱睿字景文宣帝曾孫琅邪恭王覲之子也

文選

勸進表注王隱晉書曰元帝琅邪共王之長子睿魏書作欲世說言語篇注朱鳳晉書曰謚法始建國都曰元

咸寧二年生於洛陽有神光之異類聚十晉中興書曰誕有神光一室

盡明所藉藁如始刈及長白豪生於日角之左御覽三百六十

四王隱晉書曰元帝隆準龍顏目有精曜顧眄燁如也白毫生額上有光明

中華書局影印

世說言語篇注朱鳳

年十五嗣位琅邪王幼有令聞及

惠皇之際王室多故帝每恭儉退讓以免於禍沈敏有

度量不顯灼然之迹故時人未之識焉惟侍中嵇紹異

之謂人曰琅邪王毛骨非常殆非人臣之相也元康二

年拜員外散騎常侍

書鈔五十八晉起居注曰惠帝永

鑑一識清才日新匪懈宜在機近以言者其令睿爲累

通略直案由員外散騎常侍遷通直散騎常侍紀從

累

遷左將軍魏書司馬叙傳曰頻遷射聲越騎校尉左右

從略從討成都王穎蕩陰之敗也叔父東安王繇爲穎所

御覽三

害帝思禍及將出奔其夜月正明而禁衛嚴警

九引蕭方等三十國

帝無由得去甚窘迫有頃雲霧晦

春秋作而微禁甚密

冥雷雨暴至微者皆弛

類聚十三引晉中興書作微者四散

因得潛出穎

先令諸關無得出貴人帝既至河陽爲津吏所止從者

宋典後來

晉書校文一日此與周玘傳之都尉宋典是一人晉中興書九卿慢咽彌作宗典誤

以

策鞭帝馬而笑曰舍長官禁貴人汝亦被拘邪吏乃聽

過

御覽三百五十九引蕭方等三十國春秋作舍長官禁貴人而爾見之耶因大笑之吏乃放遣御覽四百

九十四引晉中興書被拘作被駐

至洛陽迎太妃俱歸國

文選勅進表注王隱晉書

日永興元年就國

東海王越之收兵下邳也假帝輔國將軍尋

加平東將軍監徐州諸軍事鎮下邳俄遷安東將軍都

督揚州諸軍事越西迎大駕留帝居守永嘉初用王導

計始鎮建鄴

文選勅進表注王隱晉書日二年加揚州諸軍事魏書司馬叔傳日當鎮壽陽且留

下邳及越西迎惠帝留叔鎮後平東府事當遷鎮江東  
屬陳敏作亂叔以兵少因留下邳永嘉元年春敏死秋  
叔始到建業水經泗水注曰泗水又逕宿預城之西又  
逕其城南注云晉元皇之為安東也督運軍儲而為郎  
閣晉書校文一日據懷帝紀永嘉元年元帝為安東將  
軍都督揚州及鎮建鄴本一時事此云留帝居守永嘉  
初始鎮建鄴判為二時似誤案本紀與魏書所載相同  
魏書明言永嘉元年秋始到建業蓋奉命在先因留下  
邳直至元年秋始鎮建業也紀特合并書以顧榮為軍  
之耳丁氏殆未詳攷惟王書二年似誤

司馬賀循為參佐王敦王導周顗刁協竝為腹心股肱

賓禮名賢存問風俗江東歸心焉類聚十三晉中興書  
日禮接名豪設官分

職隱恤士庶百姓歸心焉屬太妃薨于國自表奔喪葬畢還鎮增封

宣城郡二萬戶魏書司馬叔傳日又以會稽戶二萬加  
增封加督揚江湘交廣五州諸軍事加

鎮東大將軍開府儀同三司受越命討征東將軍周馥

走之及懷帝蒙塵于平陽司空荀藩等移檄天下推帝

爲盟主

魏書司馬叙傳曰晉司空荀蕃司隸校尉荀江組推叙爲盟主於是輒改易郡縣假置名號

州刺史華軼不從使豫章內史周廣前江州刺史衛展

討禽之

魏書司馬叙傳曰江州刺史華軼北中郎將裴憲並不從之憲自稱鎮東將軍都督江北五郡

軍事與軼連和叙遣左將軍王敦將軍甘卓周訪等擊

軼斬之憲奔於石勒案訪傳訪與甘卓趙誘討軼軼將

周廣燒城以應訪軼傳亦云豫章太守周廣爲內應是

廣先爲軼將繼又叛軼也此作使周廣與衛展討禽之

微愍帝卽位加左丞相歲餘進位丞相大都督中外諸

軍事

魏書司馬叙傳作以叙爲侍中左丞相大都督陝東諸軍事持節王如故晉書校文一日督字應重

遣諸將分定江東斬叛者孫弼于宣城平杜弢于湘州

承制赦荆揚及西都不守帝出師露次躬擐甲冑移檄

四方徵天下之兵剋日進討于時有玉冊見於臨安白  
玉麒麟神璽出於江寧其文曰長壽萬年

書鈔一百三十一引晉紀

日建武元年江寧民虞迪墾地得白玉麒麟璽一鈕以獻文曰長壽萬年御覽六百八十二引作鄧粲晉紀

日有重暈皆以爲中興之象焉

建武元年春二月辛巳平東將軍宋哲至宣慰帝詔曰  
遭運屯否皇綱不振朕以寡德奉承洪緒不能祈天永  
命紹隆中興至使凶胡敢帥犬羊逼迫京輦朕今幽塞  
窮城憂慮萬端恐一旦崩潰卿指詣丞相具宣朕意使  
攝萬機時據舊都修復陵廟以雪大恥三月帝素服出  
次舉哀三日西陽王羨及羣僚參佐州征牧守等上尊

號帝不許業等以死固請至於再三帝慨然流涕曰孤  
罪人也惟有蹈節死義以雪天下之恥庶贖鉄鉞之誅  
吾本琅邪王諸賢見逼不已乃呼私奴命駕將反國羣  
臣乃不敢逼請依魏晉故事爲晉王許之辛卯卽王位  
大赦改元其殺祖父母父母及劉聰石勒不從此令文館  
詞林六百九十五大赦改元令曰昔我高祖宣皇帝至  
德應期受天明命立石著瑞肇基帝道景皇纂戎文皇  
扇烈重離宣曜庸蜀稽服武皇受終登陟帝位光宅天  
下九州順軌惠懷多難帝主不造夷狄豺狼肆其暴亂  
京都傾覆宗廟爲墟孤悼心失圖靡知所措繕甲修兵  
補結天網將以雪皇家之恥蕩鯨鯢之害然後謝責象  
魏歸身藩臣生死之志畢矣今百辟卿士億兆之人上  
陳靈符下稱人情同見翼戴若影響焉孤誓心不回至  
於三至於四有司固請所守有辭志不可奪孤逼於羣  
吏之議用上奉蒸嘗虔祀祖考明告靈神以祗休命今



立宗廟備百僚所以奉先帝傳晉祚總九牧保生靈也  
惟爾股肱爪牙之佐文武不貳心之臣其各立功立事  
以扶我帝室其與天下蕩滌瑕釁改往自新同率子來  
致天之罰其大赦天下孤老不能自存者賜帛二匹其  
殺祖父母及劉載石勒不從此令有能斬獲載首者封  
郡公食邑五千戶金二百斤絹萬匹斬勒首者封郡侯  
食邑三千戶金百斤絹五千匹其爲載勒所絀誤者赦  
書到日解甲散兵各還所屬一無所問有能率眾從順  
隨本官及所領多少論其爵位被書後百日若故屯諸  
結遂附賊黨誅及三族改建興五年爲建武元年 諸

參軍拜奉車都尉掾屬駙馬都尉辟掾屬百餘人時人

謂之百六掾乃備百官立宗廟社稷於建康書鈔一百五十八建

康記曰灌水對太廟東深下不測有龍穴時四方競上  
洞源出自石山下郭璞卜之以安厝太廟

符瑞帝曰孤負四海之責未能思憊何徵祥之有景辰

立世子紹爲晉王太子讀史舉正曰案上年十二月甲申朔通鑑從長厯作乙卯朔則

本年三月不以撫軍大將軍西陽王蒙爲太保征南大  
得有丙辰

將軍漢安侯王敦爲大將軍右將軍王導都督中外諸

軍事驃騎將軍左長史刁協爲尙書左僕射封王子宣

城公哀爲琅邪王六月景寅司空并州刺史廣武侯劉

琨幽州刺史左賢王渤海公段匹磾領護烏丸校尉鎮

北將軍劉翰單于廣寧公段辰遼西公段眷十七史商榷四十五

日幽州文選作冀州非也匹磾本傳先言領幽州刺史

劉琨自并州依之又言自務勿塵以後值晉喪亂自稱

位號據有遼西之地西盡幽州東界遼水則此自是幽

州非冀州廿二史攷異十八日匹磾傳不言封渤海公

段辰者涉復辰也段眷者疾

陸眷也各稱一字者省文

冀州刺史祝阿子邵續青

州刺史廣饒侯曹疑兗州刺史定襄侯劉演東夷校尉

崔紫鮮卑大都督慕容廆等一百八十人上書勸進案類

聚十三所載劉琨勸進表凡四此紀一百八十人日臣連名乃第四次之表其前三次表文繁不備錄

聞天生蒸民樹之以君所以對越天地司牧黎元聖帝

明王監其若此知天地不可以乏饗故屈其身以奉之

知蒸黎不可以無主類聚十三引勸進表蒸黎作黎元故不得已而臨

之社稷時難則戚藩定其傾郊廟或替則宗哲纂其祀

是以弘振遐風式固萬世三五以降靡不由之伏惟高

祖宣皇帝肇基景命世祖武皇帝遂造區夏三葉重光

四聖繼軌惠澤侔於有虞卜世過於周氏自元康以來

艱難繁興類聚十三引勸進表艱難作艱禍永嘉之際氛厲彌昏宸極

失御登遐醜裔國家之危有若綴旒賴先后之德宗廟  
之靈皇帝嗣建舊物克甄誕授欽明服膺聰哲玉質幼  
彰金聲夙振豕宰攝其綱百辟輔其政四海想中興之  
美羣生懷來蘇之望不圖天不悔禍大災荐臻國未忘  
難寇害尋興逆胡劉曜縱逸西都敢肆犬羊陵虐天邑  
臣奉表使還乃承西朝以去年十一月不守主上幽劫  
復沈虜庭神器流離更辱荒逆臣每覽史籍觀之前載  
厄運之極古今未有苟在食土之毛含血之類類聚十  
三引勸進表血莫不叩心絕氣行號巷哭況臣等荷寵三世類聚  
三引勸作氣莫不叩心絕氣行號巷哭況臣等荷寵三世類聚  
十三引勸進位厠鼎司聞問震惶類聚十三引勸進精  
表三作二表聞問作承問

爽飛越且驚且惋五情無主舉哀朔垂上下泣血臣聞  
昏明迭用否泰相濟天命無改厯數有歸或多難以固  
邦國或殷憂以啟聖明是以齊有無知之禍而小白爲  
五伯之長晉有麗姬之難而重耳以主諸侯之盟社稷  
靡安必將有以扶其危黔首幾絕必將有以繼其緒伏  
惟陛下立德通于神明聖姿合于兩儀應命世之期紹  
千載之運符瑞之表天人有徵中興之兆圖讖垂典自  
京畿隕喪九服崩離天下跼然無所歸懷雖有夏之遭  
夷羿宗姬之離犬戎蔑以過之陛下撫征江左類聚十  
三引勸  
進表征奄有舊吳柔服以德伐叛以刑抗明威以攝不  
作室

類杖大順以號宇內

類聚十三引勸進表攝作懾號作肅

純化既敷則率

土宅心義風既暢則遐方企踵百揆時敘于上四門穆

穆于下昔少康之隆夏訓以爲美談宣王中興周詩以

爲休詠況茂勳格于皇天清暉光于四海蒼生頤然莫

不欣戴聲教所加願爲臣妾者哉且宣皇之膺惟有陞

下億兆攸歸曾無與二天祚大晉必將有主主晉祀者

非陛下而誰是以邇無異言遠無異望謳歌者無不吟

諷徽猷

類聚十三引勸進表諷作詠

獄訟者無不思于聖德天地之

際既交華夷之情允洽

類聚十三引勸進表夷作裔

一角之獸連理

之木以爲休徵者蓋有百數冠帶之倫要荒之眾不謀

同辭者動以萬計是以臣等敢考天地之心因函夏之趣味死上尊號願陛下存舜禹至公之情狹由巢抗矯之節以社稷爲務不以小行爲先以黔首爲憂不以克讓爲事上慰宗廟乃顧之懷下釋普天傾首之勤則所謂生繁華于枯荑育豐肌于朽骨神人獲安無不幸甚臣聞尊位不可久虛萬機不可久曠虛之一日則尊位以殆曠之浹辰則萬機以亂方今踵百王之季當陽九之會狡寇窺窬伺國瑕隙黎元波蕩無所繫心安可廢而不恤哉陛下雖欲逡巡其若宗廟何其若百姓何昔者惠公虜秦晉國震駭呂卻之謀欲立子圉外以絕敵

人之志內以固閭境之情故曰喪君有君羣臣輯睦好  
我者勸惡我者思前事之不忘後代之元龜也陛下明  
竝日月無幽不燭深謀遠猷出自胷懷不勝犬馬憂國  
之情遲覩人神開泰之路是以陳其乃誠布之執事臣  
等忝于方任久在遐外不得陪列闕庭與覩盛禮踊躍  
之懷南望罔極帝優令荅之文選勸進表注何法盛晉書曰劉琨連名勸進中宗  
嘉之類聚十三晉元帝答劉琨等令曰今方岳牧伯之  
任股肱腹心之臣萬邦之內九服之外咸見翼戴以隆  
天威是用辭不獲已而居王位尋覽所陳宏旨優遠孤  
方當匡復帝祚豈可猥居極位昔有夏克復賴靡艾之  
勳周宣中興由申邵之佐二公鎮御幽朔忠以衛上建  
功極難實憑遠略夷難雪恥於是乎在案劉琨傳載令  
報與此不同蓋琨等勸進表凡四上則令報語在琨傳  
亦當有四此不知為第幾次也附注於此



石勒將石季龍圍譙城平西將軍祖逖擊走之己巳帝傳檄天下曰逆賊石勒肆虐河朔逖誅厯載游魂縱逸復遣凶黨石季龍犬羊之眾越河南渡縱其鴆毒平西將軍祖逖帥眾討擊應時潰散今遣車騎將軍琅邪王哀等九軍銳卒三萬水陸四道逕造賊場受逖節度有能梟季龍首者賞絹三千匹金五十斤封縣侯食邑二千戶又賊黨能梟送季龍首封賞亦同之七月散騎侍郎朱嵩尙書郎顧球卒帝痛之將爲舉哀有司奏舊尙書郎不在舉哀之例帝曰衰亂之弊特相痛悼於是遂舉哀哭之甚慟丁未梁王惺薨以太尉荀組爲司徒弛

山澤之禁八月甲午封梁王世子翹爲梁王荊州刺史

第五猗爲賊帥杜會所推遂與會同反

世說言語篇注  
摯氏世本曰建

興四年贍與第五猗據荊州以距敦竟爲所害案猗與  
會同反本紀在建武元年至太興二年周訪禽第五猗  
皆在建興四年之後摯氏世本則以爲建興四年通鑑  
此事入建興三年當爲愍帝時事是本紀誤也

九

月戊寅王敦使武昌太守趙誘襄陽太守朱軌陵江將  
軍黃峻討猗爲其將杜會所敗誘等皆死之石勒害京

兆太守華誚梁州刺史周訪討杜會大破之

晉書校文  
一日時訪

爲豫章太守破會後始進梁  
州刺史不當先書於討會前十月丁未琅邪王裒薨十

一月甲子封汝南王子弼爲新蔡王丁卯以司空劉琨

爲太尉置史官立太學是歲揚州大旱

太興元年

十七史商榷四十九日太興晉書本紀及陶

十卷

作大興九十一卷作太興萬斯同歷代紀元彙考

鍾淵映

歷代建元考作大陳景雲紀元要略陳宏謀甲

子紀元

作太趙駿烈紀元彙春正月戊申朔臨朝懸而

考忽作

太忽作大未詳孰是

不樂三月癸丑愍帝崩問至帝斬綰居廬景辰百寮上

尊號令曰孤以不德當厄運之極臣節未立匡救未舉

夙夜所以忘寢食也今宗廟廢絕億兆無係羣官庶尹

咸勉之以大政亦何敢辭輒敬從所執是日即皇帝位

詔曰昔我高祖宣皇帝誕應期運廓開皇基景文皇帝

奕世重光

晉書校文一日詔文莊重不應景文連稱據

景字下

實脫皇帝二字又紀所載詔文較文館詞林

少四十餘字

且開有不同處蓋修史時有刪潤也

緝

熙諸夏爰暨世祖應天順時受茲明命功格天地仁濟  
宇宙昊天不融降此鞠凶懷帝短世越去王都天禍荐  
臻大行皇帝崩殂社稷無奉肆羣后三司六事之人疇  
咨庶尹至于華戎致輯大命于朕躬予一人畏天之威  
用弗敢違遂登壇南嶽受終文祖焚柴頒瑞告類上帝  
惟朕寡德續我洪緒若涉大川罔知攸濟惟爾股肱爪  
牙之佐文武熊羆之臣用能弼宣晉室輔余一人思與  
萬國共同休慶於是大赦改元文武增位二等庚午立  
王太子紹爲皇太子

御覽一百四十八晉中興書曰及踐阼號爲皇太子冊曰於戲朕承

天緒忝繼祖宗之洪基君臨於萬邦戰戰兢兢若涉淵冰未有攸濟自古帝王敷宅四海莫不建立元子本枝

百世今稽古授亦於儲官以陪貳於朕躬欽哉爾其克  
念乃祖日新厥德何遠非佞何親非賢欽翼師傅以丕  
崇大化可不慎  
壬申詔曰昔之爲政者動人以行不以  
欺爾其敬之

言應天以實不以文故我清靜而人自正其次聽言觀  
行明試以功其有政績可述刑獄得中人無怨訟久而  
日新及當官軟弱茹柔吐剛行身穢濁修飾時譽者各  
以名聞令在事之人仰鑒前烈同心勦力深思所以寬  
眾息役惠益百姓無廢朕命遠近禮贄一切斷之夏四  
月丁丑朔日有食之加大將軍王敦江州牧進驃騎將  
軍王導開府儀同三司戊寅初禁招魂葬  
通典一百三  
日元帝建武  
二年袁瓌上禁招魂葬表云故尙書僕射曹馥歿於寇  
亂嫡孫允不得葬屍招魂殯葬監軍王崇太傅司馬劉

洽皆招魂葬請臺下禁斷博士阮放傳純張亮等議如  
瓌表元興元年詔書下太常詳處賀循答啟辭宜如瓌  
所上自今以後禁絕犯者依禮法苟組非招魂葬議通  
典又引江淵招魂葬議孔衍禁招魂葬議答李璋難禁  
招魂葬議干寶  
駁招魂葬議  
乙酉西平地震五月癸丑使持節侍中

都督太尉并州刺史廣武侯劉琨爲段匹磾所害六月

旱御覽三十五晉中興書曰太興元年詔曰亢旱穀貴  
百姓嗷嗷有資者貴糶貧羸之民益困漢世穀貴官  
賤糶使價不超越謂之平準今雖無此可出邸閣米萬  
斛使三分減一以平其價令貧困者悉得足以至秋也  
帝親雩改丹楊內史爲丹楊尹錢大昕諸史拾遺日案  
改丹楊太守爲尹薛兼傳拜丹楊太守中興建都揚州  
云內史者誤也晉制王國稱內史郡稱太守丹楊非王  
國不當  
稱內史  
甲申以尙書左僕射刁協爲尙書令平南將軍

曲陵公荀崧爲尙書左僕射庚寅以滎陽太守李矩爲

都督司州諸軍事司州刺史戊戌封皇子晞爲武陵王  
初置諫鼓謗木秋七月戊申詔曰王室多故姦凶肆暴  
皇綱弛墜顛覆大猷朕以不德統承洪緒夙夜憂危思  
改其弊二千石令長當祇奉舊憲正身明法抑齊豪強  
存恤孤獨隱實戶口勸課農桑州牧刺史當互相檢察  
不得顧私虧公長吏有志在奉公而不見進用者有貪  
怵穢濁而以財勢自安者若有不舉當受故縱蔽善之  
罪有而不知當受闇塞之責各明慎奉行劉聰死其子  
粲嗣僞位八月冀徐青三州蝗漸準弒劉粲自號漢王  
冬十月癸未加廣州刺史陶侃平南將軍劉曜僭卽皇

帝位于赤壁

讀史方輿紀要四十一日赤壁在河津縣北水經注皮氏縣西北有赤石川蓋置壁

壘於此

十一月乙卯日夜出高三丈中有赤青珥

晉書校文

因名

一日珥在日旁不當云中

新野王弼薨

案以上文建武元年本紀及成帝紀本傳證之此新野爲

新蔡加大將軍王敦荊州牧庚申詔曰朕以寡德纂承

洪緒上不能調和陰陽下不能濟育羣生災異屢興咎

徵仍見壬子乙卯雷震暴雨蓋天災譴戒所以彰朕之

不德也羣公卿士其各上封事具陳得失無有所諱將

親覽焉新作聽訟觀故歸命侯孫皓子璠謀反伏誅十

二月劉聰故將王騰馬忠等誅斬準送傳國璽於劉曜

武昌地震

案五行志下是月地震尙有廬陵豫章西陵三處

丁丑封顯義亭侯



渙爲琅邪王己卯琅邪王渙薨案宣五王傳曰更以皇子煥爲琅邪王其日薨

與本紀作丁丑封己卯薨者異元癸巳詔曰漢高經大

四王傳亦作煥是渙爲謫文也梁美無忌之賢齊師入魯修柳下惠之墓其吳之高德

名賢或未旌錄者具條列以聞王禮通考一百二十三

表之意江東三郡饑遣使振給之彭城內史周撫殺沛國

內史周默以反石勒載紀作周堅廿二史攷異十八日此周撫一名堅沛人非周訪之子撫也

二年春正月丁卯崇陽陵毀帝素服哭三日使冠軍將

軍梁堪守太常馬龜等修復山陵迎梓宮于平陽不剋

而還二月太山太守徐龕斬周撫傳首京師敦煌石室本晉紀日

二月折衝將軍徐州刺史蔡宣師下邳內史劉遐及徐龕以伐周撫戰於寒山刻婦雜之龕將于樂追禽傳首

京師案劉遐傳與晉紀略同惟蔡宣師作蔡豹蓋宣師  
為豹之字而豹傳又誤作士宣也下邳內史遐傳作彭  
城內史傳但言撫敗走夏四月龍驤將軍陳川以浚儀  
不言傳首京師從略夏四月龍驤將軍陳川以浚儀  
叛降于石勒軍陳留內史陳午平午臨平戒其眾勿事  
胡牛者乞活師也陳留內史陳午平午臨平戒其眾勿事  
大帥數不盈冊多者不過四五千家少者千五百家  
午時據浚儀眾可五千餘人率勁悍善戰午既死子赤  
特尚幼大帥馮龍李頭等共推午從父川輔相赤特川  
遂自號宣朔將軍陳留內史川本太陵縣吏以法繩下  
眾心不附討樊雅之役祖逖徵兵諸村保川使李頭將  
兵助之逖過之厚饒雅雅既滅以其名馬遺之頭深德  
逖稱美之甚川怒然頭乃襲其支黨餘人奔於逖使魏  
碩師眾掠豫州諸郡逖遣衛策做擊滅之川大懼以浚  
儀叛晉書校文一日祖逖傳陳川自號宣朔將軍陳留  
太守後為逖所擊遂以眾附石勒此作龍驤將軍已誤  
且其將軍係自置亦不足書案晉紀所言較祖逖傳為  
詳又石勒載記云勒將陳午以浚儀叛於勒如晉紀言  
此時陳午已死載記誤陳川為陳午也勒將二字亦誤

太山太守徐龕以郡叛自號兖州刺史寇濟岱

敦煌石室本晉

紀曰周撫之滅也論功劉遐第一徐龕自以秦州刺史禽撫怨望是月自稱兖州刺史寇掠兖土

陳安叛降于劉曜

御覽三百六十二引十六國春秋曰陳安成紀平莊人也又三百八十八

引十六國春秋前趙錄曰陳安字虎侯家世農民安少慷慨日大丈夫當乘軒杖節安能久執犁鋤乎遂東游

京師頗學書竿讀魏書見許褚而慕之乃自號虎侯遇

晉室喪亂遂憑結司馬賓驍壯果毅武幹過人多力善

射持七尺刀貫結奔及馳馬晉書校文一日安本南陽

王模帳下都尉秦州刺史乃其自號不應具書於紀

五月癸丑太陽陵毀帝素服哭三日徐楊及江西諸郡

蝗

敦煌石室本晉紀作徐州及揚州江西諸郡蠅

吳郡大饑平北將軍祖逖及

石勒將石季龍戰于浚儀王師敗績

晉書校文一日逖傳是役季龍率眾

救川逃設奇擊之季龍大敗與紀所言正相反案敦煌石室本晉紀與本書祖逖傳同惟平北作平西與逖傳

作鎮西者又異蓋傳謬平  
爲鎮此紀謬西爲北也壬戌詔曰天下凋弊加以災

荒百姓困窮國用竝匱吳郡饑人死者百數天生蒸黎

而樹之以君選建明哲以左右之當深思以救其弊昔

吳起爲楚悼王明法審令捐不急之官除廢公族疏遠

以附益將士而國富兵強況今日之弊百姓凋困邪且

當去非急之務非軍士所須者皆省之甲子梁州刺史

周訪及杜曾戰于武當斬之禽第五猗六月景子加周

訪安南將軍罷御府敦煌石室本及諸郡丞置博士員

五人職官志作江左初減爲九人己亥加太常賀循開府儀同三司

敦煌石室本晉紀作己卯以太常賀循爲左光祿大夫儀同三司案己亥當從晉紀作己卯秋七月

乙丑太常賀循卒八月肅慎獻楛矢石砮

四夷傳云元帝中興又誦

江左貢其石砮

徐龕寇東莞遣太子左衛率羊鑒行征虜將軍

統徐州刺史蔡豹討之冬十月平北將軍祖逖使督護

陳超襲石勒將桃豹超敗沒於陣

晉書校文一日攷逖傳時所遣將為韓潛

馮鐵無陳超且是役豹逖亦無敗軼事

十一月戊寅石勒僭即王位國

號趙

讀史舉正日案下十二月有乙亥明年正月丁酉朔則此月不得有戊寅

十二月乙亥

大赦詔百官各上封事并省眾役鮮卑慕容廆襲遼東

東夷校尉平州刺史崔毖奔高句驪是歲南陽王保稱

晉王于祁山三吳大饑

三年春正月丁酉朔晉王保為劉曜所逼遷于桑城

水經

河水注二日洮水又東北逕桑城東通鑑晉紀注日亦謂之桑壁讀史方輿紀要六十日桑城在廢安故縣西

南二月辛未石勒將石季龍寇朕次平北將軍冀州刺

史邵續擊之續敗沒於陣晉書校文一日季龍獲續送於石勒勒以為從事中郎事

具續傳不得云沒於陣三月慕容廆奉送玉璽三紐慕容廆載記日於其營候

獲皇帝玉璽三紐遣長史裴嶷送於建鄴書鈔十晉中興書日鮮卑送璽注云元帝太興閏月以尙

書周顥為尙書僕射夏四月壬辰枉矢流于翼軫讀史舉正

日按是年正月丁酉朔又閏三月則四月不得有壬辰其八月書辛未四年二月書癸亥九月書壬寅十月書

壬午永昌元年三月書甲午四月書辛未丙子等日皆誤接太寧元年三月戊寅朔推之益可證五月

景寅孝懷帝太子詮遇害于平陽帝三日哭王彌傳亦作詮武十

三王傳誤作銓庚寅地震是月晉王保為其將張春所害劉曜

使陳安攻春滅之安因叛曜諸史攷異二日案保傳張春奉保奔桑城是歲保病

薨年二十七不言為春所害晉書校文一日張寔傳亦云會保薨其眾奔散不言為春所害至安之叛由於疑

曜死事詳載記石勒將徐龕帥眾來降六月大水丁酉亦非因於滅春

盜殺西中郎將護羌校尉涼州刺史西平公張寔寔弟

茂嗣領平西將軍涼州刺史秋七月丁亥詔曰先公武

王先考恭王臨君琅邪四十餘年惠澤加于百姓遺愛

結于人情朕應天符創基江表文選頭陀寺碑文注引晉中興書江表作江左

兆庶宅心緦負子來琅邪國人在此者近有千戶今立

為懷德縣統丹楊郡諸史攷異二日按地理志無懷德縣徐州下云琅邪國人隨帝渡江

者遂置懷德縣及琅邪郡以統之宋書州郡志晉亂琅邪國人隨元帝過江千餘戶太興三年立懷德縣丹楊

雖有琅邪相而無此地蘇峻傳有懷德令匡術昔漢高祖以沛爲湯沐邑光武

亦復南頓優復之科一依漢氏故事祖逖部將衛策大

破石勒別軍於汴水加逖爲鎮西將軍東晉疆域志曰譙縣有汴水晉

書校文一日此勒別軍卽上年紀所稱龍驤將軍陳川

叛降勒者時川將魏碩掠豫州諸郡衛策邀擊於谷水

盡獲所掠川懼遂降勒事具逖傳此事應書於川降勒

之先今次於是年七月則先後倒置矣加逖鎮西將軍

亦在是役後不得并爲一時事又案此事與川之降勒

本相首尾不應分而爲二律以書法當云祖逖遣衛策

擊陳川軍於谷水大破之川降於石勒蓋此事本不必

特書策破碩時川尙未屬勒亦不當卽目爲勒之別軍

川將軍之號既係自假無論爲龍驤爲宣朔詳前八

皆不當書紀載逖事非錯誤卽顛倒類不可據信

月戊午尊敬王后虞氏爲敬皇后辛酉遷神主于太廟

通典五十一日晉懷帝崩於平陽梓宮未反京師元帝

立廟之時欲遷入廟喪已過三年太常賀循議云懷帝



梓宮未反遭時之難故事非常不得以辛未梁州刺史常禮自拘宜以時入太廟修祭祀之禮

安南將軍周訪卒皇太子釋奠於太學以湘州刺史甘卓爲安南將軍梁州刺史九月徐龕又叛降于石勒冬十月景辰徐州刺史蔡豹以畏慙伏誅王敦殺武陵內史向碩

四年春二月徐龕又帥眾來降鮮卑末波奉送皇帝信璽卽段末波王浚傳石勒載記均作末柸庚戌告於太廟乃受之癸亥日

關三月置周易儀禮公羊博士癸酉以平東將軍曹嶷爲安東將軍夏四月辛亥帝親覽庶獄石勒攻馱次陷之撫軍將軍幽州刺史段匹磾沒于勒五月旱

御覽二百三十

六威榮緒晉書曰陳畛過江爲少府卿時大旱經久大興四年四月始雨詔曰有司奏應報賽宗廟山川中宗詔曰祈廟云報賽非奉尊上辭也吾意有疑畛以爲舊山川有祈故報雨應賽非大事不應告廟臣子無要君親之道黷祭稱賽於義有違又五百二十九引中興書與此同案是年久旱四月始雨本紀作五月旱而臧何二書均作大旱經久四庚申詔曰昔漢二祖及魏武皆月始雨經本紀誤也

免良人武帝時涼州覆敗諸爲奴婢亦皆復籍此累代成規也其免中州良人遭難爲揚州諸郡僮客者以備征役秋七月大水甲戌以尙書戴若思爲征西將軍都督司兗豫并冀雍六州諸軍事司州刺史鎮合肥若思本傳作都督兗豫幽冀雍并六州諸軍事合肥作壽陽案若思旣爲司州刺史則六州之中不應無司州本傳誤也丹楊尹劉隗爲鎮北將軍都督青徐幽平四州諸軍事

青州刺史鎮淮陰壬午以驃騎將軍王導爲司空八月  
常山崩九月壬寅鎮西將軍豫州刺史祖逖卒冬十月  
壬午以逖弟侍中約爲平西將軍豫州刺史十二月以  
慕容廆爲持節都督幽平二州東夷諸軍事平州牧封  
遼東郡公

永昌元年春正月乙卯大赦改元戊辰大將軍王敦舉  
兵於武昌以誅劉隗爲名龍驤將軍沈充帥眾應之三  
月徵征西將軍戴若思鎮北將軍劉隗還衛京都以司  
空王導爲前鋒大都督以戴若思爲驃騎將軍丹楊諸  
郡皆加軍號加僕射周顗尙書左僕射領軍王邃尙書

右僕射

御覽二百十一晉起居注曰永昌元年詔曰尙書分置左右僕射所以廣登賢俊經始萬機護

軍周顗可左僕射王遂可右僕射案顗本傳由護軍將軍爲僕射與起居注合本紀加僕射爲加護軍之誤

以太子右衛率周筵行冠軍將軍

案周札傳曰札兄靖子懋懋弟筵征虜將

軍吳興內史與紀作冠軍將軍異筵當從傳作筵

統兵三千討沈充甲午封皇

子昱爲琅邪王劉隗軍於金城

括地志曰金城在江乘蒲洲上相傳孫吳所築

讀史方輿紀要二十日金城在上元縣北三十五里

右將軍周札守石頭帝親被

甲徇六師於郊外遣平南將軍陶侃領江州安南將軍

甘卓領荊州各帥所統以躡敦後四月敦前鋒攻石頭

周札開城門應之奮威將軍侯禮死之敦據石頭戴若

思劉隗帥眾攻之王導周顗郭逸虞潭等三道出戰六

軍敗績尙書令刁協奔於江乘爲賊所害鎮北將軍劉

隗奔于石勒

魏書司馬叙傳曰隗還淮陰後奔石勒

帝遣使謂敦曰公若

不忘本朝于此息兵則天下尙可共安也如其不然朕

當歸于琅邪以避賢路辛未大赦敦乃自爲丞相都督

中外諸軍錄尙書事封武昌郡公邑萬戶景子驃騎將

軍秣陵侯戴若思尙書左僕射護軍將軍武城侯周顥

爲敦所害

寰宇記九十曰石頭城西南最高處有吳峰大樓城東有大石俗呼爲唐岡卽王敦害周

伯仁戴若思處百姓冤之乃記其石焉

敦將沈充陷吳國魏父陷湘州吳

國內史張茂

廿二史攷異十八曰此又一張茂與涼湘州刺史同姓名案茂本傳作吳興內史

州刺史譙王承竝遇害五月壬申敦以太保西陽王叡

爲太宰加司空王導尙書令乙亥鎮南大將軍甘卓爲  
襄陽太守周慮所害蜀賊張龍寇巴東建平太守柳純  
擊走之石勒遣騎寇河南六月旱秋七月王敦自加充  
州刺史郗鑒爲安北將軍諸史攷異二日錢氏曰按鑒非敦之黨且亦不可云自加  
也以致傳攷之當是自領江州牧與郗鑒事初不相涉蓋傳寫有脫文顧煊案郗鑒傳明帝初卽位王敦專制  
內外危逼謀杖鑒爲外援由是拜安西將軍當惟充州刺史都督揚州江西諸軍事假節鎮合肥敦忌之表爲  
尙書令徵還錢氏之說非也案王敦自加之下必有石脫文充州刺史上當有一以字錢氏之說亦未盡非石  
勒將石季龍攻陷太山執守將徐龕充州刺史郗鑒自  
鄒山退守合肥八月敦以其兄含爲衛將軍自領寧益  
二州都督琅邪太守孫默叛降于石勒石勒載記太冬守作內史

十月大疫死者十二三己丑都督荆梁二州諸軍事平  
南將軍荊州刺史武陵侯王廙卒辛卯以下邳內史王  
邃爲征北將軍都督青徐幽平四州諸軍事鎮淮陰新  
昌太守梁碩起兵反京師大霧黑氣蔽天日月無光石  
勒攻陷襄城城父遂圍譙破祖約別軍約退據壽春十  
一月以司徒荀組爲太尉己酉太尉荀組薨罷司徒并  
丞相閏月己丑帝崩于內殿時年四十七葬建平陵元  
郡縣圖志二十五日晉元帝睿建平陵在上元縣北六  
里雞籠山寰宇記九十日晉中宗陵在上元縣東一十  
里案二說互異六朝事蹟亦稱建康廟號中宗帝性簡  
實錄建平陵在雞籠山之陽不起墳  
儉沖素容納直言虛己待物初鎮江東頗以酒廢事王

導深以爲言帝命酌引觴覆之於此遂絕

世說箴規篇曰元帝過江

猶好酒王茂弘與帝有舊常流涕諫帝許之命酌酒一  
酣從是遂斷注鄧粲晉紀曰上身服儉約以先時務性  
素好酒將渡江王導深以諫帝乃令左右進觴飲而覆  
之自是遂不復飲克己復禮官修其方而中興之業隆  
焉建康志覆杯池晉元帝以酒廢政王有司嘗奏太極  
導諫之帝覆杯於池中以爲戒因名

殿廣室施絳帳帝曰漢文集上書阜囊爲帷遂令冬施

青布夏施青練帷帳

書鈔一百三十二引晉陽秋作青練御覽六百九十九引晉令作夏

可青葛將拜貴人有司請市雀釵帝以煩費不許所幸鄭

夫人衣無文綵

書鈔一百二十九引晉中興書作嘗所幸鄭夫人衣無文繡本書顧榮傳云帝

所幸鄭貴嬪有疾御覽一百四十四初學記均引晉起居注曰有司奏今月九日當拜鄭夫人右婕妤好卽元帝  
之鄭夫人也案后妃傳但稱夫人不言封貴嬪從母弟  
及婕妤且貴嬪婕妤好位皆在夫人下恐有誤



王廙爲母立屋過制流涕止之然晉室邁紛皇輿播越  
天命未改人謀叶贊元戎屢動不出江畿經略區區僅  
全吳楚終于下陵上辱憂憤告謝恭儉之德雖充雄武  
之量不足始秦時望氣者云五百年後金陵有天子氣  
類聚九十八引晉中興書金陵上有東南二字御覽四  
十一輿地志曰蔣山舊名金陵山因此山立名金陵

故始皇東遊以厭之改其地曰秣陵類聚九十八晉中興書曰塹北山絕其勢今建康卽秣  
陵西北界所塹卽建康南淮中也御覽四十一金陵地  
記曰埋金玉雜寶於鍾山  
乃斷其地更名曰秣陵及孫權之稱號自謂當之孫

盛以爲始皇逮于孫氏四百三十七載考其厭數猶爲  
未及類聚九十八晉中興書曰按始皇東遊之歲至孫  
權僭號四百三十七年攷之年數旣不合校之基

宇又非倫豐應帝王之符而見兆於上代乎

元帝之渡江也乃五百二十六

年真人之應在于此矣咸寧初風吹太社樹折社中有青氣占者以爲東莞有帝者之祥由是徙封東莞王於琅邪卽武王也及吳之亡王濬實先至建鄴而皓之降款遠歸璽於琅邪天意人事又符中興之兆太安之際童謠云五馬浮渡江一馬化爲龍及永嘉中歲鎮熒惑太白聚斗牛之間

羣書拾補曰一作牛女

識者以爲吳越之地當

興王者是歲王室淪覆帝與西陽汝南南頓彭城五王獲濟而帝竟登大位焉初立石圖有牛繼馬後故宣帝深忌牛氏遂爲二榼共一口以貯酒焉帝先飲佳者而

以毒酒鴆其將牛金而恭王妃夏侯氏竟通小吏牛氏

而生元帝亦有符云

御覽九十八引孫盛晉陽秋小吏牛氏作牛欽又七百六十一王隱

晉書曰宣帝既滅公孫淵還作榼兩口二種酒持著馬上先飲佳酒塞口而開毒酒口與牛金飲而死魏書司馬叡傳曰觀妃譙國夏侯氏與金通姦遂生叡因冒姓司馬仍為觀子困學紀聞十三日晉元帝為牛氏子其說始於沈約而魏收烏夷傳因之唐貞觀史官修晉書亦取焉王劭謂沈約喜造奇說以誣前代劉知幾亦以為非而致堂乃謂元帝冒姓司馬過矣注何云休文晉書雖不傳而宋書符瑞志中尙存此說羣書拾補曰此說創自沈約不足信也唐元行沖推尋事跡以後魏昭成帝名健乃繼晉受命之符著論以明之案宣帝滅公孫淵事在魏景初二年牛金欽酒而死卽在此年元帝崩時年四十七上朔其生在武帝咸寧二年距魏景初二年已三十八年安得為牛金姦生之子卽使非觀所生當從孫盛說作牛欽與牛金為兩人也

史臣曰晉氏不虞自中流外五胡扛鼎七廟墮尊滔天

方駕則民懷其舊德者矣昔光武以數郡加名元皇以一州臨極豈武宣餘化猶暢于琅邪文景垂仁傳芳于南頓所謂後乎天時先諸人事者也馳章獻號高蓋成陰星斗呈祥金陵表慶陶土行擁三州之旅郢外以安王茂弘爲分陝之計江東可立或高旌未拂而遐心斯偃迴首朝陽仰希乾棟帝猶六讓不居七辭而不免也布帳練帷詳刑簡化抑揚前軌光啟中興古者私家不蓄甲兵大臣不爲威福王之常制以訓股肱中宗失馭強臣自亡齊斧兩京胡羯風埃相望雖復六月之駕無聞而鴻雁之歌方遠享國無幾哀哉

明帝

明皇帝諱紹字道畿元皇帝長子也

文選讓中書令表注引臧榮緒晉書

作字道畿元帝太子也

幼而聰哲爲元帝所寵異

御覽六百八十七語林曰晉明

帝年少不倫常微行詔喚人以衣幘迎之涉水過衣幘悉濕元帝已不重明帝忽復有此以爲無不廢理既入

幘不正元帝自爲

年數歲嘗坐置膝前屬長安使來

覽御

正之明帝大喜

三劉昭幼童傳曰有人從長安來元帝問洛下消息潸然流涕帝年數歲問泣故具以東渡意告之

因問

帝曰汝謂日與長安孰遠

御覽三引劉昭幼童傳作汝意謂長安何如日遠

對

日長安近不聞人從日邊來

御覽三引劉昭幼童傳下有只聞人從長安來一語

居然可知也元帝異之明日宴羣僚又問之對曰日近

元帝失色曰何乃異聞者之言乎對曰舉目則見日不

見長安

御覽三引劉昭幼童傳作舉頭不見長安只見日以是知近

由是益奇之建

興初拜東中郎將鎮廣陵元帝爲晉王立爲晉王太子

及帝卽尊號立爲皇太子性至孝有文武才略欽賢愛

客

初學記十晉中興書日東宮敬禮賢士昵近明德

雅好文辭

隋志梁有晉明帝集五卷錄一

卷亡唐志仍著錄書鈔一百一晉中興書日中宗任刑法以韓子賜太子悅也

辯當時名臣

自王導庾亮溫嶠桓彝阮放等咸見親待

御覽四百七晉中興書日

肅祖之在東宮與溫嶠庾亮並布衣之好

嘗論聖人真假之意導等不能屈

又習武藝善撫將士於時東朝濟濟遠近屬心焉及王

敦之亂六軍敗績帝欲帥將士決戰升車將出中庶子

溫嶠固諫抽劔斬鞅乃止

女苑英華六百二十七薛元超諫皇太子牋日晉明帝之

在東宮中庶子溫嶠中舍人劉放諫馬射云云太子敦  
答省所陳明卿等動靜數示案元超所引殆卽此事敦  
素以帝神武明略朝野之所欽信欲誣以不孝而廢焉

大會百官而問溫嶠曰皇太子以何德稱聲色俱厲必  
欲使有言嶠對曰鈞深致遠蓋非淺局所量以禮觀之

可稱爲孝矣眾皆以爲信然敦謀遂止御覽四百十八  
晉中興書曰王

敦於眾坐明帝罪云溫太真在東宮久最所知悉因厲  
聲問嶠謂懼威必與己同嶠正色對曰鈞深致遠小人  
無以測君子當今諒闇之際有至性可  
稱敦嘿然不悅然憚其居正不敢害之

永昌元年閏月己丑元帝崩讀史舉正曰按此文無  
所承當云閏十一月庚

寅太子卽皇帝位大赦尊所生荀氏爲建安郡君

太安元年春正月癸巳黃霧四塞京師火案五行志上  
誤作永昌二

年正月癸巳京都大火永昌無二年是年明帝己改太  
宣元年御覽八百七十八引晉中興書徵祥說作太宣  
元年十一月黃霧四塞與紀作正月異  
國志十二日廣漢將軍司馬玠死之越嶲太守李釗華陽  
太守李驤字叔龍將軍司馬玠死之越嶲太守李釗華陽  
國志十二日西夷校尉李釗字世康漢嘉太守王載以郡叛降于驤二月  
葬元帝于建平陵帝徒跣至于陵所以特進華恆為驃  
騎將軍都督石頭水陸軍事乙丑黃霧四塞景寅隕霜  
壬申又隕霜殺穀三月戊寅朔改元十七史商榷四十  
元年閏十一月己丑崩明帝即位至明帝太  
宣元年已踰年矣乃不於正月改元而遲至三月戊寅  
朔方改元偏安草創王敦方謀臨軒停饗宴之禮懸而  
逆危疑之中不可以常理論  
不樂景戌隕霜殺草饒安東光安陵三縣災燒七千餘



家死者萬五千人石勒攻陷下邳徐州刺史卞敦退保

盱眙王敦獻皇帝信璽一紐敦將謀篡逆諷朝廷徵已

帝乃手詔徵之

魏書司馬徽傳曰乃爲書曰孤子紹頓首天下事大紹以眇身弗克負荷哀憂

孔疚如臨于谷實賴冢宰以濟艱難公邁德樹勳遐邇歸懷任社稷之託居總己之統然道里長遠江川阻深動有介石之機而回旋之間固以有所喪矣謂公宜入輔朝政旦夕訓諮朝士亦僉以爲然以公高亮忠肅至心憂國苟其宜然便當以至公處之期於靜國寧民要之括囊無咎伏想闇同此志願便速剋近期以副翹企之懷紹恭憚夏四月敦下屯于湖轉司空王導爲司徒於敦若此

自領揚州牧巴東將軍柳純爲敦所害

案唐宰相世系表十三上柳軌

晉吏部尙書生景猷晉侍中二子耆純太常卿平陽太守疑純被害之後追贈太常而巴東平陽則先後所歷之郡也又石勒載記有以尙書陳診爲都督幽平二劉聰使人柳純則非一人

州諸軍事幽州刺史

案文館詞林六百六十二東晉明帝北討詔云以眭持節督幽平并

州諸軍事領護東夷校尉鎮東將軍平州刺史公如故

較本紀多一并州且幽州而後改平州歟去五月京師大水

鎮東將軍豈先為幽州歟當以詔為是五行志上誤作李驤等寇寧州刺史王遜遣將姚岳距

永昌二年五月戰于堂狼大破之

晉書校文一曰水經若水篇注載此

興三年夏觀諱常璩所言當得其實疑帝紀水經注均

有誤也周家祿校勘記曰姚岳王遜傳作姚崇按成帝

紀有裨將姚岳為刺史尹奉所遣別一人梁碩攻陷交州刺史王諒死之六

月王子立皇后庾氏平南將軍陶侃遣參軍高寶攻梁

碩斬之傳首京師進侃位征南大將軍開府儀同三司

秋七月景子朔震太極殿柱五行志下誤作永昌二年七月庚子朔震上有雷字

是月劉曜攻陳安於隴城滅之

讀史方輿紀要五十九日隴城廢縣在秦安縣

東九十里漢隴縣屬天水郡後漢屬漢陽郡晉縣廢

八月以安北將軍郗鑒爲尙

書令石勒將石季龍攻陷青州刺史曹嶷遇害

書鈔九十四王

隱晉書曰曹疑歸作葬金鄉縣北鑿石爲冢

冬十一月王敦以其兄征南大

將軍含爲征東大將軍都督揚州江西諸軍事以軍國  
饑乏調刺史以下米各有差

二年春正月丁丑帝臨朝停饗宴之禮懸而不樂庚辰  
赦五歲刑以下術人李脫造妖書惑眾斬于建康市石  
勒將石季龍寇兗州刺史劉遐自彭城退保泗口三月  
劉曜將康平寇魏興及南陽夏五月王敦矯詔拜其子

應爲武衛將軍兄含爲驃騎大將軍帝所親信常從督  
公乘雄冉曾竝爲敦所害六月敦將舉兵內向帝密知  
之乃乘巴滇駿馬微行至于湖陰察敦營壘而出有軍  
士疑帝非常人又敦正晝寢夢日環其城驚起曰此必  
黃鬚鮮卑奴來也帝母荀氏燕代人帝狀類外氏鬚黃  
敦故謂帝云於是使五騎物色追帝帝亦馳去馬有遺  
糞輒以水灌之見逆旅賣食姬以七寶鞭與之日後有  
騎來可以此示也俄而追者至問姬姬曰去已遠矣因  
以鞭示之五騎傳玩稽留遂久又見馬糞冷以爲信遠  
而止不追帝僅而獲免

世說假譎篇曰王大將軍既爲  
逆頓軍姑孰敦晉明帝以英武之

才猶相猜憚乃著戎服騎巴寶馬齎一金馬鞭陰察軍  
形勢未至十餘里有一客姓居店賣食帝過謁之謂姓  
曰王敦舉兵圖逆猜害忠良朝廷駭懼社稷是憂故劬  
勞晨夕用相覘察恐形迹危露或至狼狽追迫之曰姓  
其匿之便與客姓馬鞭而去行敦營匿而出軍士覺曰  
此非常人也敦卧心動曰此必黃鬚鮮卑奴來命騎追  
之已覺多許里追士因問向姓不見一黃須人騎馬度  
此邪姓曰帝躬往姑孰敦時晝寢卓然驚悟曰營中有黃  
頭鮮卑奴來何不縛取帝所生母荀氏燕國人故貌類  
焉太平廣記十三神仙傳曰王敦鎮南欲謀大逆乃召  
璞為佐時明帝年十五璫璽王敦致天子非能得天下  
王敦果得天下耶史臣曰王敦致天子非能得天下明  
帝遂單騎微行直入姑孰城敦正與璞食璞曰向見日  
敦敦驚曰吾今同議定大計卿何不得言璞曰向見日  
月星辰之精靈五嶽四海之神祇皆為道從羽衛下官  
震悸失守不得即白將軍敦使聞謂是小奚戲馬檢定  
非也遣三十騎追不及案神仙傳作遣三十騎與本紀  
作五騎異輿地紀勝十八日玩鞭亭在蕪湖縣北二十  
里明帝微行至湖陰賣食姬以七寶鞭與之亭名以此

案世說亦作陰察軍形是本紀以于湖為句陰字  
顯屬下文于湖即蕪湖也紀勝作行至湖陰誤 丁卯

加司徒王導大都督假節領揚州刺史以丹楊尹溫嶠

為中壘將軍與右將軍卞敦守石頭晉書校文一日攷敦傳時敦以鎮南

將軍假節非右將軍傳亦不言敦曾為此官以光祿勳應詹為護軍將軍假

節督朱雀橋南諸軍事魏書司馬叡傳作朱雀桁本紀下文亦作桁東晉疆域志日六

朝事蹟稱輿地志吳南津大航橋也成帝咸康三年新

作朱雀浮航讀史方輿紀要二十日朱雀桁今聚寶門

內鎮淮橋即孫吳之南津橋晉之朱雀桁也胡氏日橋

在孫吳建業宮城朱雀門南跨秦淮水南北岸以渡行

人自吳以來已有之亦謂之南航以在臺城以尙書令

南也亦謂之大航以秦淮諸航此為之最也以尙書令

郗鑒行衛將軍都督從駕諸軍事以中書監庾亮領左

衛將軍以尙書卞壺行中軍將軍徵平北將軍徐州刺

史王遂

周家祿校勘記曰平北當照上文作征北諸傳引遂事多作征北

平西將軍豫

州刺史祖約北中郎將兗州刺史劉遐奮武將軍臨淮

太守蘇峻奮威將軍廣陵太守陶瞻等還衛京師帝次

於中堂

讀史方輿紀要二十日中堂在江寧府治南志云在舊部城宣陽門外或謂之南皇堂案下文

卽作出次南皇堂

秋七月壬申朔敦遣其兄含及錢鳳周撫鄧

岳等水陸五萬至于南岸

周家祿校勘記曰鄧岳當作鄧嶽案王敦傳五萬作三萬

魏書司馬叡傳亦云率眾三萬指造建康也通鑑晉紀考異引晉春秋亦作三萬

溫嶠移屯水

北燒朱雀桁以挫其鋒帝躬率六軍出次南皇堂至癸

酉夜募壯士遣將軍段秀

魏書司馬叡傳作段匹磾弟禿

中軍司馬曹

渾左衛參軍陳嵩鍾寅等甲卒千人

魏書司馬叡傳甲卒作壯士渡

水掩其未畢平旦戰于越城

寰宇記九十曹氏記日距秣陵縣一十五里句踐平

吳後築此城故名讀史方輿紀要二十日越城在江寧府南六里圖經在江寧縣南三里秦淮水南范蠡佐越滅吳欲圖霸中大破之斬其前鋒將何康王敦憤惋而國因立城於此

死前宗正虞潭起義師于會稽沈充帥萬餘人來會合

等魏書司馬淑傳日充臨行顧謂其妻日男兒不建豹尾不能歸也庚辰築壘于陵口

通鑑晉紀注日陵口在牛渚之東北亦濱江戌守處讀史方輿紀要二十六日陵口戌在太平府北三十里案

陵口即下壺傳之東陵口丁亥劉遐蘇峻等帥精卒萬人以至帝夜

見勞之賜將士各有差義興人周嵩霍殺敦所署太守

劉芳平西將軍祖約逐敦所署淮南太守任台于壽春

晉書校文一日約傳作壽陽蓋避簡文鄭太后諱也此改之未盡乙未賊眾濟水護軍



將軍應詹帥建威將軍趙盾等距戰不利賊至宣陽門

讀史方輿紀要二十日外城正南日宣北中郎將劉遐

陽門本洛陽南面西頭第二門名也魏書司馬叡傳日劉遐蘇

蘇峻等自南塘橫擊大破之峻濟自滿洲含相率渡兵

應詹逆擊大破之本書詹本劉遐又破沈充于青溪讀

傳又云詹與趙盾等擊敗之方輿紀要二十日青景中賊燒營宵遁丁酉帝還宮大

溪在上元縣東六里類聚九十七異苑日晉明帝常欲肆眚乃屏曲室去

赦左右下帷作詔有大蒼蠅觸帳而入萃於筆端有頃

皆出帝竊異焉令人尋之即蠅所集處輒傳有赦喧然必徧惟敦黨不原於是分遣

諸將追其黨與悉平之封司徒王導爲始興郡公邑三

千戶賜絹九千匹丹楊尹溫嶠建寧縣公尙書卞壺建

興縣公中書監庾亮永昌縣公北中郎將劉遐泉陵縣

興縣公中書監庾亮永昌縣公北中郎將劉遐泉陵縣

興縣公中書監庾亮永昌縣公北中郎將劉遐泉陵縣

公御覽二百引晉中興書誤作泉陵侯奮武將軍蘇峻邵陵縣公邑各千

八百戶絹各五千四百匹尚書令郗鑒高平縣侯御覽二百

引晉中興書誤作南平公護軍將軍應詹觀陽縣侯御覽二百引晉中興書誤作觀

侯邑各千六百戶絹各四千八百匹建威將軍趙盾湘

南縣侯右將軍卞敦益陽縣侯邑各千六百戶絹各三

千二百匹其餘封賞各有差冬十月以司徒王導爲太

保領司徒太宰西陽王兼領太尉應詹爲平南將軍都

督江州諸軍事江州刺史劉遐爲監淮北諸軍事徐州

刺史庾亮爲護軍將軍詔王敦羣從一無所問是時石

勒將石生屯洛陽豫州刺史祖約退保壽陽十二月壬

子帝謁建平陵從大祥之禮梁水太守嬰亮益州太守

李暹以興古叛降于李雄

通鑑晉紀亮作量事在三年

分興古立案水經注劉禪分興古之盤南置郡於梁水縣是蜀漢已有此郡西晉蓋仍其舊又王遜傳分永昌爲梁水郡事在元帝初元則置郡非始於成帝時疑元帝時梁水已入於李氏故分永昌地立爲郡至成帝時又益以興古地耳惟本紀是年李暹以興古降雄或成帝時興古又歸於晉耶沈充故將顧颺反於武康攻燒城邑州縣討斬之

三年春二月戊辰復三族刑惟不及婦人三月幽州刺

史段末波卒以弟牙嗣戊辰立皇子衍爲皇太子

晉書校文

一日案上二月有戊辰日三月中大赦增文武位二等

不應再有戊辰兩處必有一譌大酺三日賜鰥寡孤獨帛人二匹癸巳徵處士臨海任

旭會稽虞喜竝爲博士夏四月詔曰大事初定其命惟  
新其令太宰司徒已下詣都坐參議政道諸所因革務  
盡事中又詔曰愴直言引亮正想羣賢達吾此懷矣予  
違汝弼堯舜之相君臣也吾雖虛闇庶不距逆耳之談  
稷契之任君居之矣望共助之己亥雨雹石勒將石良  
寇兖州刺史檀贊力戰死之石勒載記下作石瞻攻陷  
晉兖州刺史檀斌於鄒山  
斌死之案石良或是石  
瞻部將斌爲贊之脫文將軍李矩等竝眾潰而歸石勒  
盡陷司兖豫三州之地五月以征南大將軍陶侃爲征  
西大將軍都督荆湘雍梁四州諸軍事荊州刺史侃本  
傳作  
荆雍益梁王舒爲安南將軍都督廣州諸軍事廣州刺史六

月石勒將石季龍攻劉曜將劉岳于新安昭之以廣州  
刺史王舒爲都督湘州諸軍事湘州刺史湘州刺史劉  
顗爲平越中郎將都督廣州諸軍事廣州刺史大旱自  
正月不雨至于是月秋七月辛未以尙書令郗鑒爲車

騎將軍都督青兗二州諸軍事

本傳都督有徐州

假節鎮廣陵

領軍將軍卞壺爲尙書令詔曰三恪二王世代之所重

興滅繼絕政道之所先

通典七十四日泰始三年太常上言博士祭酒劉熹等議漢魏

爲二王後夏殷周之後爲三恪衛公署於前代爲二王後於大晉在三恪之數應降稱侯祭祀制度宜與五等公侯同五禮通考二百二十五日案又宗室哲王有功  
以二王後并于三恪始于泰始之奏

勳于大晉受命之際者佐命功臣碩德名賢三祖所與

共維大業咸開國胙土誓同山河者而竝廢絕禋祀不  
傳甚用懷傷主者其詳議諸應立後者以聞又詔曰郊  
祀天地帝王之重事自中興以來惟南郊未曾北郊四  
時五郊之禮都不復設五嶽四瀆名山大川載在祀典  
應望秩者悉廢而未舉主者其依舊詳處御覽五百二  
十七引晉起  
居注悉廢而未舉下有居其官者舉其職司其事而令  
一代之典闕而不備數語五禮通考三十一日晉宋二  
史郊堂以外俱不言有別祭五帝之制觀此條五郊是  
其指迎氣分祭無疑也詔書有依舊詳處之文是舊有  
之而渡江八月詔曰昔周武克殷封比干之墓漢高過  
後復設耳  
趙錄樂毅之後追顯既往以勸將來也吳時將相名賢  
之胄有能纂修家訓又忠孝仁義靜己守真不聞于時

者州郡中正亟以名聞勿有所遺聞月以尙書左僕射  
荀崧爲光祿大夫錄尙書事尙書鄧攸爲尙書左僕射  
壬午帝不忿召太宰西陽王羨司徒王導尙書令卞壺  
車騎將軍郗鑒護軍將軍庾亮領軍將軍陸曄丹楊尹  
溫嶠竝受遺詔輔太子丁亥詔曰自古有死賢聖所同  
壽夭窮達歸于一槩亦何足特痛哉朕枕疾已久常慮  
忽然仰惟祖宗洪基不能克終堂構大恥未雪百姓塗  
炭所以有慨耳不幸之日斂以時服一遵先度務從簡  
約勞衆崇飾皆勿爲也行以幼弱猥當大重當賴忠賢  
訓而成之昔周公匡輔成王霍氏擁育孝昭義存前典

功冠二代豈非宗臣之道乎凡此公卿時之望也敬聽  
顧命任託付之重同心斷金以謀王室諸方嶽征鎮刺  
史將守皆朕扞城推轂于外雖事有內外其致一也故  
不有行者誰扞牧圉譬若唇齒表裏相資宜勦力一心  
若合符契思美焉之美以緝事爲期百辟卿士其總已  
以聽于冢宰保祐沖幼弘濟艱難永令祖宗之靈寔于  
九天之上則朕沒于地下無恨黃泉戊子帝崩于東堂  
通鑑晉紀注曰建康太極殿有東西年二十七張敦頤  
堂東堂以見羣臣西堂爲卽安之地  
述編類引葬武平陵元和郡縣圖志二十五日明帝紹  
作三十七武平陵在上元縣北六里雞籠山  
廟號肅祖帝聰明有機斷尤精物理于時兵凶歲饑死



疫過半虛弊既甚事極艱虞屬王敦挾震主之威將移神器帝崎嶇遵養以弱制強潛謀獨斷廓清大禮改授荆湘等四州以分上流之勢撥亂反正強本弱枝雖享國日淺而規模弘遠矣

史臣曰維揚作寓憑帶洪流楚江恆戰方城對敵不得不推誠將相以總戎麾樓船萬計兵倍王室處其利而無心者周公其人也威權外假嫌隙內興彼有順流之師此無強藩之援商逢九亂堯止八音明皇負圖屬在茲日運龍韜於掌握起天旆於江靡燎其餘燼有若秋原去衰絰而踐戎場斬鯨鯢而拜園闕鎮削威權州分

江漢覆車不踐貽厥孫謀其後七十餘年終羅敬道之  
害或曰興亡在運非止上流豈創制不殊而弘之者異  
也

贊曰傾天起害猛獸呈災珣邪之子仁義歸來龔行趙

璧

羣書拾補  
日疑壁

命筆荆臺雲瞻北海

羣書拾補  
毛作海非

江望南

開晉陽禦敵河西全壤胡寇雖艱靈心弗爽三方馳騫  
百蠻從響寶命還昌金輝載朗明后岐嶷軍書接要莽  
首晨懸董臍昏燎厥德不回餘風可劬

晉書斠注卷六